

金河縣郭中下天寶四年於城內置其振武軍景龍二年張
仁愿於今東受降城置天寶四年節度使王忠嗣移于此
金河即後魏什翼犍所都盛樂之地道武遷都平城即今
雲州所理是也

麟州新秦天和戶

禹貢雍州之域秦漢為雲中郡隋開皇二十年置榆林縣
改為勝州天寶元年王忠嗣奏割勝州連谷銀城兩縣置

麟州

州境東西

八到西南至上都一千四百六十里
東南至東都一千五百一十里

東至嵐州一百八十里
東至嵐州界黃河一百二十里河土上有合水關
東北至勝州四百里
西南至銀州三百里

貢賦

管縣三

新秦 連谷 銀城

新秦縣郭中下初漢武帝徙貧人于關中以西及朔方以南
謂之新秦天寶元年置以為縣取漢舊名也

連谷縣中下南里本漢固陰縣地屬西河郡在今銀州

濡林縣界隋文帝於此置連谷鎮煬帝改為連谷城大業
十三年廢成貞觀八年於廢成置連谷縣屬勝州天寶元

年割屬麟州

連谷鎮縣理城中貞觀八年置

銀城縣州中下北至本漢固陰縣地屬西河郡漢末大亂

匈奴侵邊雲中西河之間其地遂空訖于魏晉不立郡縣

後魏時置石城縣廢帝改為銀城閏武帝保定二年移于

廢石龜鎮城即今縣理是也貞觀因之屬勝州天寶元年

屬麟州

勝州下府開元戶四千九十五 鄉十三

禹貢雍州之域春秋為戎狄地戰國時為晉趙地地理志

云雲中立五原本戎狄地趙有之始皇分三十六郡為雲

中郡漢因之不改按漢雲中在今州理東地四十里榆林

縣界雲中故城是地漢末大亂匈奴侵邊其城遂空晉末

赫連氏赫連勃稱夏都于統万城後魏大武

平赫連昌之後託於周代往置鎮不立縣郡隋文開皇

三年此置榆林縣七年又置榆林縣屬雲州二十年割雲州

之榆林富昌金河三縣置勝州立嘉名也煬帝大業五

年以勝州為榆林郡領榆林富昌金河三縣十五縣郡人

郭子和以城入突厥武德四年郭子和歸國其地又陷梁

師都貞觀二年平師都三年仍隋舊理置勝州時柴紹到

蘭破滅匈奴奪得河南之地因置州以決勝為名

州境東西南北

八到西南至上都一千八百五十三里

東南至東都一千九百四十里

西南至麟州四百九十里

西至銀州七百里

南至豐州七百里

北至開元賦貢胡布麻布

貢賦 麻 粟

管縣二

榆林 河濱

榆林縣中下本漢沙南縣地屬雲中郡漢末北虜後擾歷

魏晉及周此地皆無縣邑隋開皇七年置榆林縣地北近

榆林即漢之榆溪塞因名屬雲州二十年改為勝州皇朝因之

黃河西南自夏州朔方界流入

又有大葭蘆水縣西二百二十里

小葭蘆水縣西二百四十里其間地甚良沃

平河水首受黃河隋文帝開之以通屯倉

金河泊在縣東北二十里周迴十里

雲中故城在縣東北四十里趙雲中城秦雲中郡

趙武靈王北破林胡樓煩所置秦因之

隋榆林宮在州城內煬帝大業二年置因榆林郡為名其

煬帝北巡陳兵塞表以威北狄因幸此宮突厥啟人可汗

獻馬及兵器新張因賦詩云

榆林關在縣東三十里東北臨河秦却匈奴之處開皇三年於此置城置榆林關

河濱縣 中下本漢沙南縣地屬雲中郡訖于魏晉此地不

立縣邑至後魏及周復銀城縣地隋時復為榆林縣地貞

觀三年於此置河濱縣東臨河岸因以為名改雲州為威

州立嘉名也八年廢威州以縣屬勝州

黃河在縣東一十五步濶一里不通船楫即河濱關渡河

處名君子津

河濱關在縣東北貞觀七年置

豐州 九原下府

今置都防禦使管 天德軍 西受降城 中受

降城

共都防禦使及天德軍使理在西城今移理舊天德軍

城 開元戶一千九百 元和戶 御五

禹貢雍州之域秦上郡之北境秦末沒胡武帝元朔二年

使衛青遂去匈奴開置朔方領縣十里在三封在今豐州

西一百里後漢因之靈帝末羌胡擾亂城邑皆空永嘉後

匈奴衛辰父子新居其地辰子赫連勃勃自稱大單于統

萬城也屬勃後魏大武擒滅赫連昌置統萬鎮孝文改

置夏州其地又為夏州之北境周武帝于今永豐縣置永

豐鎮隋文帝開皇三年於鎮置豐州後廢貞觀四年突厥
降附於此置又權於此置州都督府不領縣唯領蕃戶以
史大柰為都督十一年大柰死復廢府以地屬靈州二十
一年又分置豐州永徽九年於州復重置永豐縣四年於
郭下又置九原縣麟德元年又置豐安縣天寶元年改為
九原郡乾元元年復為豐州

州境

八到南至上都一千八百里
南至東都一千二百九十里
東至勝州五百三十里
西南至靈州九百里
東南至夏州七百五十里
西北至河西城八十里

貢賦開元

晉縣二

九原 永豐

九原縣郭下本漢之廣牧舊地中郎部都尉所理其九原
縣永徽四年重置其城周隋間俗謂之甘草城

永豐縣中下州西本漢臨戎舊地後漢末廢北人又謂

之賀葛真城周武保定三年於此置永豐鎮開皇五年

廢鎮置永豐縣武德六年省永徽九年復置

廢豐安縣在縣東南四十里開皇六年於縣置豐安鎮麟

德元年改為豐安縣天寶末廢

天德軍舊理在西受降城權置軍馬于永清柵元和九年詔移理舊城本安北都護貞觀

二十一年於今西受降城東北四十里置燕然都護以瀚

海寺六都督臯蘭寺七川並隸焉龍朔三年移于磧北回

紇本部仍改名瀚海都護總章二年又改名安北都護尋移

于甘州東北一千一十八里隋改大同城鎮垂拱元年置

同城鎮其都護權移理刪丹縣西南九十九里西安城景

龍二年又移理西受降城開元十年又移理中受降城天

寶八年復移即又於可敦城置橫塞軍又自中受降城移

理橫塞軍十二年安思順奏廢橫塞軍請于大同川西築

城置軍元宗賜名曰大安軍十四年築城功軍移大安軍

理焉乾元後改為天德軍緣居人枝少遂西南移三里權

居永清柵其理所又移在西受降城自後頻為河水所侵

至元和八年春黃河之溢城南面毀壞轉都防禦使周懷

義請上表修築約當錢二十一萬貫中書侍郎平章事李

吉甫密陳便宜以西戎費用至廣又難施功請修天德舊

城以安軍鎮其大略曰伏以西城是開元十年張說所築

今河水來侵以毀其半臣量其事勢不堪重脩若別作新

城所費殊廣計其人功糧食及改屋宇比改事畢不下三

十萬貫錢此但計費猶未知出入之處城南西即為水所

壞其于城猶聖量留一千人足得住居天德軍士合抽

壞其于城猶聖量留一千人足得住居天德軍士合抽

居舊城豈可更居版築虛棄錢物若三城是國家盛制仁
愿舊規亦須得天德添兵然後有人脩築按天德舊城在西
城正東微南一百八十里其處見有兩城今之永清柵即
隋氏大同城舊理去本城約三里已下城甚窄小今隋事
宜置仍存天德軍額北城周迴一十二丈高四丈下濶一
丈七尺天寶十二年安思順所置其城居大同川中當
北戎大路南接羊那山南又是麥泊其地良沃遠近不如
天寶中安思順郭子儀守本築此城擬為朔方根本其意
以中城東城連振武為左翼又以西城豐州連定遠為右
臂南制黨項北制匈奴左右鈎帶居中處安誠長久之規

也尋屬祿山有事子儀留老弱于此城身率大衆河北討
賊為賊將朱星所破縱火焚燒遂移天德軍永清柵別
置理所于西城只緣添兵未得且因循併在一處力所不
足實非遠圖臣久訪略已計科約修此城不過二萬貫錢
今若于天德舊城隨事增飭回有移換仍取城隸于天德
軍別置使名自為雄鎮以聲勢可讐殊隣詔從之於是復
移天德軍理所於舊城焉先是緣邊居人常苦室韋黨項
之所侵掠受竄山谷不知所徙及新城施功之日遂有三
萬移家移止城內初議者又慮城大無人以實及是遠近
奔湊邊軍益壯人心遂安沃野故城在軍城北六十里即

是後魏時六鎮從西第一鎮也

州境

東西南北

八到西取寧遠鎮故落鹽池經夏州至上都一千八百里

西至西取橫塞軍城一百八十里

西南至新宥州六百里

東受降城今漢雲中郡地在榆林縣東北八里今屬振武

節度

八到城南至上都一千八百六十八里

東至東都取軍府一路一千八百二十里

東北至朔州四百里

武川城今名里城後魏六鎮從西第三鎮在軍北三百里

自北出石門障即光祿城石入匈奴大路

光祿城東北有懷朔石城其城即後魏六鎮從西第二鎮

在今中城界向北化柵側近也

中受降城本漢九原郡地漢武帝元朔二年更名五原開

元十年於此城置安北大都護府後又移徙事其天德軍

敬本古城在中城北四十里鄭虔軍錄曰時人以張仁愿

河外築三城自古未有今敬本城周一萬八百七十二步

壕塹深峻亦古之堅守貫耽古今述曰以地理求之前代

九原郡城也

城南至上都一千八百六十里
東南至東都取單行路二千一百二十里
東至中受降城三百里
西北至天德軍二百里
南至麟州四百里
北至磧口五百里

西受降城和舊天德軍理于此城元在豐州西北八十里蓋

漢州方郡地臨河縣故里處開元初為河水所壞至開元

十年總管張說於故城東別置新城今城一本云西南隅

又為河水所壞本末具天德軍

城南至上都一千八百八十里

東南至東都取單行路二百五十里

正東至微南至天德軍一百八十里

東南至定遠城七百里

西南至磧口三百里磧口西至回鶻衙帳一千單五里

右三受降城景雲三年張仁愿所置也初突厥入寇朔方

軍總管沙吒忠義為賊所敗詔仁愿代之先是朔方軍北

與突厥以河為界河北岸有拂雲堆神祠突厥將入寇必

先詣祠祭酌求福因牧馬料兵而後渡河時突厥默啜盡

衆西擊突騎施婆葛仁愿奏請乘虛突取漢南之地於河

北築三受降城首尾相應絕其南寇之路太子少師唐休

璟以為西漢以來皆北守黃河今於寇境築城恐勞人費

功終為賊所有仁愿固請不已中宗竟從之仁愿表當年

滿鎮兵以助其功時咸陽兵二百餘人逃歸仁愿擒獲盡

斬之軍中股慄六旬而三城俱就以拂雲祠為中城與東

西兩城相去各四百里餘遙相應接北拓三百餘里於牛頭羊那山北置烽堠一千八百所自是突厥不得度山放牧朔方無復寇掠減鎮兵數萬人初三城不置壘門及曲敵戰具或問曰邊城禦賊之所不為守備何也仁愿曰寇若至此當併力出戰迴顧望城猶須斬之何用守備生具退惡之心其後常元楷為總管始築壘門議者劣之

元和郡縣志卷四終

元和郡縣圖志卷第五

河南道一

河南府

開元戶一十二萬七千四百四十
元和戶一萬八千七百五十九

鄉二百

禹貢豫州之域在天地之中故三代皆為郡邑陽翟夏城禹都也偃師西亳湯都也周成王定鼎於郊鄩使召公先相亳乃卜澗水東纏水西是為東都今苑內故王城是也又卜纏水東召公往營之是為成周今河南府東故洛城是也至赧王獻地於秦莊襄王莊襄立為三川郡三川伊洛河也漢改為河南郡後漢光武建武元年入洛陽遂定都焉及董卓逼遷獻帝西都長安盡燒洛陽宮廟後又都焉魏文

西兩城相去各四百里餘遙相應接北拓三百餘里於牛頭羊那山北置烽堠一千八百所自是突厥不得度山放牧朔方無復寇掠減鎮兵數萬人初三城不置壘門及曲敵戰具或問曰邊城禦賊之所不為守備何也仁愿曰寇若至此當併力出戰迴顧望城猶須斬之何用守備生具退惡之心其後常元楷為總管始築壘門議者劣之

元和郡縣志卷四終

元和郡縣圖志卷第五

河南道一

河南府

開元戶一十二萬七千四百四十
元和戶一萬八千七百五十九

鄉二百

禹貢豫州之域在天地之中故三代皆為郡邑陽翟夏城禹都也偃師西亳湯都也周成王定鼎於郊鄩使召公先相亳乃卜澗水東纏水西是為東都今苑內故王城是也又卜纏水東召公往營之是為成周今河南府東故洛城是也至赧王獻地於秦莊襄王莊襄立為三川郡三川伊洛河也漢改為河南郡後漢光武建武元年入洛陽遂定都焉及董卓逼遷獻帝西都長安盡燒洛陽宮廟後又都焉魏文

帝受禪亦都洛陽陳留王以司隸校尉所掌置司州領河南河東河內弘農平陽五郡晉武受禪司州不改永嘉初劉曜叛亂司州沒胡後又沒于石勒東晉穆帝永和元年桓溫入洛陽置河南郡守武北平關洛復置司州後魏孝文太和十七年六宮文武盡遷洛陽改為河南尹至周宣帝移相州六府於洛州以為東京隋文帝改六府為六尚書省又置河南道行臺省仁壽四年煬帝詔楊素營東京大業元年新都成遂徙居今洛陽宮是也其宮北據邙山南直尹闕之口洛水貫都有河漢之象東去故城一十八里初煬帝嘗登邙山觀伊闕顧曰此非龍門耶自古何因

不建都于此僕射蘇威對曰自古非不知以俟陛下帝大悅遂議都焉其宮室臺榭皆宇文愷創也愷巧思絕倫因此制造頗窮奢麗前代都邑莫之比焉又改洛州為豫州罷牧三年罷州為河南郡置尹四年改東京為東都十四年復置洛州隋亂王充僭號稱鄭改為司州武德四年討平克復為洛州仍置總管府其冬罷府置陝東道大行臺太宗為大行臺尚書令九年罷臺置洛州都督府貞觀十八年廢府顯慶二年置東都則天改為神都神龍元年復為東都開元元年改洛州為河南府天寶元年改東都為東京至德元年復為東都

府境東西南北
東至六百二十一里
西至上都八百五十里
南至鄭州二百八十里
北至懷州一百五十里

東至陝州三百五十里
西至汝州一百七十里
東南至許州九十里
從縣至許州九十里
嶺路至陽翟縣二百四十里

貢賦開元 貢 綾絹 白瓷器

管縣二十六 洛陽 河南 偃師 緱氏 鞏縣

伊關 密縣 王屋 長水 伊陽 河陰

陽翟 潁陽 告成 登封 福昌 壽安

澠池 永寧 新安 陸渾 河陽 溫縣

濟源 河清 沁水 河陽等五縣今權隸河陽三城節度

洛陽縣本秦舊縣歷代相因貞觀六年自金墉城移入郭內毓德坊今理是也神龍初改為永昌尋復舊號故洛陽城在縣東二十里按華延雋云洛陽城東西七里南北九里洛陽城內宮殿臺觀府藏寺舍九有一萬一千二百一十九門自劉曜入洛元帝渡江官署里閭鞠為茂草後魏孝文太和十七年幸洛陽巡故宮遂咏來離之詩為之流涕觀石經仍定邊都而經始洛京十九年九月新都始立於是六宮文武盡遷洛陽

洛水在縣西南三里西自施內上陽之南瀰漫東流宇文

愷斜堤束今東北今流當水衝埵堰九所形如偃月謂之月坡今雖漸壞尚有存者

河南縣本漢舊縣後魏靜帝改為宜遼縣周宣帝復為河南隋仁壽四年遷都移縣於東都城內寬改坊即今縣是也永昌元年以明堂初成改為合宮縣神龍初復舊二年復為合宮景雲初復舊

洛水在縣北四里伊水在縣東南十八里

瀍水在縣西北六十里高貢曰伊洛瀍澗既入于河孔安國注曰出河南北山水經云源出河南穀城縣北今驗水西從新安縣東入縣界

天津橋在縣北四里隋煬帝大業元年初造此橋以架洛水用大舟維舟皆以鐵鎖鈎連之南北夾路對起四樓其樓為日月表勝之象然洛水溢浮橋輒壞貞觀十四年更令石上累方石為脚爾雅斗牛之間為天漢之津故取名焉

中橋咸通三年造累石為脚如天津橋之制

通津渠在縣南三里隋大業元年分洛水西北名千步磧渠東北流入洛水謂之洛

通津

偃師縣西南至府

本漢舊縣帝學及湯盤庚並都之商有

二亳成湯居西亳即此是也至盤庚又自河北徙理於亳

通津

商家後此而改號曰殷武王伐紂於此築城息偃我師因
以名焉天寶七年四月河南尹韋濟秦於偃師縣東山下
開驛路通孝義廢北坡義堂路焉

北邙山在縣北二里西自洛陽縣界東入鞏縣界舊說云
北邙山是隴山之尾乃衆山總名連嶺脩亘四百餘里
首陽山在縣西北二十五里

盟津在縣西北三十一里

緱氏縣西北至府本縣古滑國也左傳曰秦師滅滑其後
屬晉至秦漢為縣因山為名大業十年移據公路澗西甍
岸為城即今縣是也

緱氏山在縣東南二十九里王子晉得仙處

轘轅山在縣東南四十六里左傳欒盈過周王使候出諸
轘轅注曰緱氏縣東南有轘轅關道路險隘七十二曲將
去復還故曰轘轅後漢河南尹何進所置八關此其一也
鄂嶺坂在縣東南五十七里晉八王故事曰范陽王保于
鄂坂後於其上置關

洛水自西洛陽縣界流入

曹城在縣東一里曹操與袁術相拒築城於此

袁術固一名袁公塢在縣西南十五里宋武北征記曰少
室山西有袁紇固可容十萬衆一夫守溢萬人莫當

公路壘在縣南三里袁術與曹公相拒處

鈎鎖故壘在縣東北七里宋書司馬休之從宋公西征營

于相名塢相谷西即此壘相連如鎖因以為名

鞏縣西至府百四十里古鞏伯之國也春秋晉師克鞏戰國時韓

獻於秦至漢以為縣屬河南郡大業十三年李密自潁州

率群盜十餘萬襲破洛口倉因據鞏縣仍築城斷洛川包

南北山週迴三十餘里屯營其中後為王充所破縣本與

成臯中分洛水西則鞏東則成臯後魏并焉按爾雅鞏固

也四面有山河之固因以為名

天陵山在縣東南六十里

黃河西自偃師縣界流入河於此有五杜杜波又有五杜杜津

後漢朱鮪遣賈強從五杜杜津渡是也

洛水東經洛汭北對即邪渚入河謂之洛口亦名什谷張

儀說秦王下兵三川塞什谷之口即此也

伊闕縣北至府七十里古戩於國漢為新城縣屬河南郡周武

帝時屬伊川郡開皇十八年罷郡改為伊闕縣

伊闕山在縣北四十五里兩山相對望之若闕伊水流其

間故名

陸渾山俗名方山在縣西五十五里

伊水西自陸渾縣界流入左傳秦晉遷陸渾之戎于伊川

伊闕故關在縣北四十五里何進八關之一

密縣西南至府一百十里本漢舊縣故密國也春秋諸侯伐鄭圍新

密漢屬河南郡隋大業二年廢十二年又置武德三年於

此置密州四年廢州以縣屬鄭州龍朔二年割屬河南府

爾雅曰山如堂者曰密因以為名

大隗山在縣東南五十里具茨山黃帝見大隗于其茨

之山故亦謂之大隗山灑水源出於此

馬嶺山在縣南十五里洧水所出

王屋縣東南至府一百里本周時召康公之采邑漢為垣縣地後

魏獻文帝分垣縣置長年縣周明帝改為王屋縣因出為

名仍於縣置王屋郡太和元年又為西懷州開皇三年改

為郡州大業三年廢郡州以縣屬懷州明慶二年割屬河

南府

齊子嶺在縣東十二里即宇文周與高齊分據境之處也

黃河在縣南五十里

王屋山在縣北十五里週迴一百三十里高三十里禹貢

底柱析城至于王屋是也

析城山在縣西北六十里峯四面其形如城有南門焉故

曰析城

長水縣東至府二百三十里本漢盧氏縣地後縣漢晉宗不改後魏宣

武帝分盧氏東境置南陝縣屬弘農郡西魏廢帝改為長洲
義寧元年以犯高祖廟諱改為長水貞觀八年自魏州

割屬穀州明慶二年屬河南府穀州今新安縣所理是也

伊陽縣北至府二百里本陸渾縣南界之地先天元年割置伊

陽縣

伊水路在縣西南出鸞掌山東流水經云出南陽魯縣蔓

葉山東北過陸渾縣南又東北過伊關中又魯北入於洛

多雨瀑漲諸峽束水之處其高或七八丈故伊關石壁有

石銘云黃初四年六月二十四日辛巳大水出高四丈五

尺

銀鉞窟在縣南五里今每歲稅銀一千兩

河陰縣西南至府二百里本漢滎陽縣地開元二十二年以地

當汴河口分泥水滎澤武澤三縣地于輸場東置以使運

漕即侍中裴耀卿所立初耀卿為宣州刺史開元十八年

因朝集上便宜曰竊見江淮諸州所送租庸等本州正月

二月上道至揚州入斗門即逆水淺停留一月已上四月

已後始度淮入汴多屬乾淺又般運停留至六月七月方

至河口即遇黃河漲溢不得入河又須停一兩月待河水

較小始得上河入洛即入漕洛乾淺船艘不通計從江南

至東都停滯日多得行日少艱辛欠折因此而生伏見國

家舊法河口元置武牢倉江南船不入黃河即於倉內便貯也鞏縣置洛口倉從黃河不入漕洛即於倉內安置爰及河陽倉柏崖倉太原倉永豐倉渭南倉節級取便例皆如此水通利則隨近運轉不通則且納在倉不滯遠船不生隱盜每年剩得一二百萬石即數年之外倉廩轉加至二十二年以耀卿為相兼轉運都使於是遂分置河陰縣及河陰倉河清縣置柏崖倉三門東置集津倉三門西置鹽倉三門北鑿山十八里陸行以避湍險自江淮來者悉納河陰倉自河陰候水調浮漕送倉嘉倉又取曉習河水者遙送太原倉浮渭以實關中凡三年運七百萬石

省脚三十萬貫及耀卿罷相後緣北路險澁頗為陰欺議者言其不便事又停

汴渠在縣南二百五十步亦名葭蕩渠禹塞熒澤開渠以通淮泗後漢初河汴決壞明帝永平中命王景修築渠堤十里立一水門今更相注泗無復潰漏之患自宋武北征之後復皆堙塞煬帝大業元年更令開導名通濟渠自洛陽西苑引穀洛水達于河自板渚引河入汴口又從大梁之東引汴水入于泗達於淮自江都宮入于海亦謂之御河河畔築御道樹之以柳煬帝巡幸乘龍舟而往江都自揚益湘南至交廣關中等州公家運漕私行商旅舳舻相

繼隋氏作之雖勞後代實受其利焉

汴口堰在縣西二十里又名梁公堰隋文開皇七年使梁
膚增築漢古堰過河入汴也

三皇山亦曰敷高山上有三城即劉項相持處春秋左氏
傳曰晉師在敖鄆之間亦此也

陽翟縣

西北至府二百四十里

本夏禹所都春秋時鄭之櫟邑韓自

宜陽移都於此秦為潁川郡楚漢之際韓公之戍為韓王

項羽殺成立鄭昌漢元年又誅昌立橫野君信六年徙信

太原公復置潁川郡領縣二十理陽翟潁川屬縣後魏復

置陽翟郡開皇十六年廢郡置高州以縣屬焉大業三年

隸襄城郡武德中又隸嵩州貞觀元年廢入許州建都魏

改屬河南府

鈞臺在縣南十五里左氏傳曰夏啓有鈞臺之饗也

潁陽縣

西北至府九十里

古綸氏縣本夏之綸國也少康之邑在

漢屬潁川晉省後魏太和中於綸氏縣城置潁陽縣屬河

南尹又分潁陽置瑤陽縣開皇六年改瑤陽為武林十八

年又改為綸氏大業元年改為嵩陽載初元年又改為武

林開元十五年又改為潁陽

大石山一名萬安山在縣西北四十五里

倚筓山望之如立筓山西北崖下有鐘乳隋時充貢

陽乾山在縣東二十五里潁水一源出陽乾山

大谷口在縣西北三十五里孫堅傳兵大谷距洛陽九十里即此谷

大谷故關在縣西北四十五里何進八關之一也

告成縣西北至府一本漢陽城縣屬潁川郡因陽城山為

名後魏置陽城郡屬司州開皇三年廢郡以縣屬洛州十

六年於此置嵩山仁壽四年省嵩山以縣屬河南郡萬歲

登封元年則天因封中嵩改名告成

許由山在縣 十三里

嵩高山在縣西北二十五里

少室山在縣西北五十里

陽城山在縣東北三十八里

鬼谷在縣北五里即六國時鬼谷先生所居也

測景臺在縣城內西北隅高一丈開元十年詔太史監南

宮室立石表焉

登封縣西北至府一本漢嵩高縣武帝元封元年置以奉

太室後省入陽城累代因之高宗將有事於中岳分陽城

緱氏置嵩城縣萬歲登封元年則天因封岳改為登封

嵩高山在縣北八里亦名方外山又云東曰太室西曰少

室嵩高總名即中岳也山高二十里周迴一百三十里

少室山在縣西十里高十六里周迴三十里潁水源出焉
潁水有三源右水出陽乾山之類谷中水
導源少室左右水出少室南溪東合潁水

開母祠縣東北七里漢書武帝祀中岳見夏啟母石是也
應邵云啟生而母化為石淮南子亦同嵩山記陽翟婦人

今龕中鑿石像其名漢安帝延光三年立

福昌縣陳至府一古宜陽地春秋時屬晉七國時屬韓漢

以為縣屬弘農郡後漢建武三年馮異破赤眉於嶧底餘

衆走向宜陽帝自征之赤眉君臣面縛即此地也義寧三

年罷置宜陽郡武德元年改為穀州改宜陽縣為福昌縣

取縣西隋宮為名顯慶二年廢穀州以縣屬河南府今縣

城即魏一金塢城東南北三面天險峭絕後周置重兵於

此以脩高齊

女儿山在縣西南三十四里

壽安縣東北至府七十六里本漢宜陽縣地後魏分新安置寸掌縣

隋開皇三年以縣屬熊州十六年改為穀州仁壽四年改

名壽安縣貞觀七年改屬河南府

石墨山在縣西南三里山石如墨可以書

洛水西自福昌縣界流入

少水今名慈澗水出縣北

八關故城在縣東北三十里後漢靈帝中平元年以河南

尹何進為大將軍將五營七屯都亭置函谷大城伊闕大谷轅轅旋門平津孟津等八關都尉官理於此

永濟橋在縣西十七里煬帝大業三年置架洛水隋亂毀廢貞觀八年修造丹為梁長四十丈三尺廣二丈六尺

澠池縣

東至府一百五十里

一本韓地哀侯東徙其地入秦漢以為縣

屬弘農郡隋文帝時屬熊州

今河南府福昌縣是也

十六年改屬穀

州明慶二年廢穀州縣屬河南府

廣陽山亦名澠池山在縣東北五十五里

穀水南去縣二百步東經秦趙二城俗謂之俱利城

東城在縣西十三里

大塢故城在縣北十五里後魏武帝入關使行臺楊騰出

關安撫騰因舊城置大塢鎮

永寧縣

東至府二百里

漢澠池縣之西境後漢晉宋不改後魏文

帝於今縣東西十里置北宜陽縣屬宜陽郡廢帝二年改

為熊耳縣義寧二年置永寧縣屬宜陽郡貞觀元年改屬

河南府

二嶠山又名欽崙山在縣北二十八里春秋時秦將襲鄭

蹇叔哭送其子曰晉人禦師必于嶠：有二陵其南陵夏

后臯之墓北陵文王之所避風雨必死是間漢建安中曹

公西討巴漢惡其險更于山下路側有石銘曰晉太康三

年弘農太守梁柳修復舊道西征記嶠上不得鳴鼓角則
風雨總至自東嶠至西嶠三十五里東嶠長坂數里峻阜
絕澗車不得方軌西嶠全是石坂十二里險絕不異東嶠
熊耳山在縣東北四十五里後漢世祖破赤眉積甲宜陽
縣城西與北山齊按禹貢導洛自熊耳在商州上洛縣界
與此別也

穀陽山在縣西北五十五里漢書地理志穀水出穀陽山
而谿俗名迴坑在縣東北三十六里馮異與赤眉戰敗於
此壘書勞曰始岳翅於迴溪終奮翼於澠池可謂失之東
隅收之桑榆

新安縣

東至府七十里

本漢舊縣屬弘農郡晉改屬河南郡後魏

屬新安郡周武帝保定三年省新安郡又於今縣理置中
州建德六年省中州又置新安郡隋開皇六年改置穀州

貞觀元年省中州新安屬河南府

穀水在縣南二里國語曰穀洛闢壤王宮是也縣城本名
通洛城周武帝將東封令陝州總管尉遲綱築此城以臨
齊境

白超故城一名白超壘一名白超塲在縣西北十五里壘
當大道左右有山道從中出漢末黃巾賊起白超築此壘
以自固東魏修築為城因名超城

函谷故關在縣東一里漢武帝元鼎三年為楊僕徙關於新安案秦有函谷關在今陝州靈寶西南十二靈寶縣以其道險隘其形如函故曰函谷項羽坑秦降卒於新安即此地今縣城之東有南北塞垣楊僕所築

慈澗故鎮在縣東南二十里周武帝保定六年置武德三年討王充前軍鎮此太宗以輕騎擊破之充拔鎮歸於東都

陸渾縣 東北至府一百三十里一本陸渾戎所居春秋時秦晉遷陸渾之戎於伊川至漢為陸渾縣屬弘農郡後屬河南尹後魏改為伏流縣大業元年省伏流縣移陸渾縣於今理

三塗山在縣西南五十里左傳曰四嶽三塗陽城大室九州之陰

明臯山在縣東北十五里

伊水在縣西南自虢州盧氏縣界流入

伏流城即今縣理城東魏孝靜帝武定二年所築以城北焦澗水伏流也下西有伏流坂因以為名

河陽縣 西南至府八十里自河陽已下至河清等五縣今權隸三

城節度本周司寇蕪忽生之邑後為晉邑在漢為河陽縣屬河內高齊省入溫軹三縣開皇十六年分溫軹二縣重置屬懷州武德四年平王充後割屬河南府

南城在縣西四面臨河即孟津之地亦謂之富平津後魏使高永樂守河南以備西魏即此也周隋為官自觀置鎮中渾城東魏孝靜帝元象元年築之仍置河陽閘天寶已前邑于其上置閘縣西南十三里古遮馬提現即後魏爾朱榮殺朝士千三百餘人於此

謹按至德中史思明之來寇也時李光弼已至東都聞思明將至乃移牒留守及河南尹并留司官坊市居人令悉出避寇空其城乃率麾下士馬數萬東守河陽三城拒逆賊黨初謂光弼自洛而西及聞保河陳出東其慮外疑懼久之不敢犯官闕光弼訓練招集威聲大震賊雖入城憚光

弼兵威南不出百里西不越畿內陝州得修戎備關隘無虞皆光弼保河陽之力故自乾元已後常置重兵貞元後加置節度為都城之巨防造浮橋架黃河為之以船為脚竹箦輶旦之晉陽秋云杜元愷造河橋於富平津即此是也

船箦出洪州

温縣西南至府一百三十里

本周畿內司寇地蘓公之邑春秋周襄王

賜晉文公漢以為縣屬河內郡大業十三年自故温移於今所皇朝建都割屬河南府

濟源縣南至府一百二十里古軹邑屬魏秦昭王時代魏取軹漢文

帝時封薄昭為軹侯屬河內郡開皇十六年分軹縣置濟

源縣屬懷州以濟水所出因名明慶一年割屬河南府
濟水在縣西北三里平地而出有二源其東源週迴七百
步深不測西源週迴六百八十五步深一丈皆繚之以周
墻源出王屋山山海經云王屋之山灑水出焉郭璞注云
灑濟流水之源尚書禹貢云導流水東流為濟入於河溢為
滎孔安國注云濟水入河並流十數里而南截河又竝流
數里溢為滎澤按禹貢導泲水東流為濟入於河溢為滎
東出於陶丘北又東至於荷又東北會於汶又東北入於
海顏師古云泲水而為濟截河內為滎澤陶丘今在曹州
定陶西南荷澤過荷澤又與汶水會北折而東入于海也

按泲水出今王屋縣山東流至濟源縣而名濟水滎澤在
今鄭州滎澤縣定陶今曹州濟陰縣也荷澤在今兗州魚
臺縣汶水出今兗州萊蕪縣然濟水因王莽末旱渠涸不
復截河南過今東平濟南淄川北海界中有水流入於海
謂之清河實荷澤汶水合流亦曰濟河蓋因舊名非本濟
水也而水經是和帝已後所撰乃言濟水南過滎澤至於
乘氏等縣一依禹貢舊道斯不詳之甚也酈元又從而注
之尤為紕繆矣
百尺溝在縣北東六里引濟水溉灌仁壽三年置初分功
人穿十丈故名百尺溝

河清縣南至府六十里本漢軹縣地縣西有相補堽故城即東魏將
侯景所築武德初於城東置大基縣八年省咸通四年重

置先天元年以犯元宗廟諱改名河清

汜水縣西南至府一百八十里一古東魏國鄭之制邑漢之成臯縣一

名武牢穆天子傳曰天子獵於鄭國有獸在葭中七萃之
士擒之以獻天子命畜之東隅因曰武牢漢楚之際項羽
使海春侯曹咎守之漢王破之咎自殺至宗武帝北平關
洛置司州刺史理武牢魏使奚斤攻宗司州刺史毛德祖
經二十日不尅之城中傷者無血知其汲水潛作地道其穴
猶存開皇十八年改成臯為汜水縣大業十三年陷於王

充武德四年討平充復於縣理置鄭州貞觀七年後鄭
州於滎城以縣屬焉明慶二年改屬河南府垂拱四年改
名廣武縣神龍元年復為汜水開元二十九年自武牢城
移於今理

黃河自鞏縣流入

汜水出縣東南三十二里浮戲山經武牢城東漢破曹咎
於此

成臯故關在縣西南十里即八關之一

汜口去縣五十里今屬河陰

旋門關在縣東南二里

板渚在縣東北三十五里初竇建德衆數十萬自於坂渚
結陣南屬鵲山以臨汜水太宗帥輕騎擊之賊衆大潰建
德竄于牛渚將軍白一讓生獲先是童謡云豆入牛口勢
不得久果敗於此牛口渚與坂渚邈迤相接
寺慈寺在縣東七里王師旣破建德有詔於戰所起寺立
碑紀功焉今顏師古為其碑文

元和郡縣志卷第五終



元和郡縣圖志卷第六

河南道二

陝虢觀察使

陝州

虢州

汝州

陝州陝郡都督府

開元戶四萬七千三百二十二
元和管戶八千七百

今為陝虢觀察使理所

鄉六

管州三 縣十四 都管戶一萬一千九百四十七

墾田

陝州 虢州 汝州

禹貢豫州之域周為二伯分陝之地公羊傳曰自陝以東
周公主之自陝以西召公主之又為古之虢國今平陸縣
地是也戰國時為魏地後屬韓秦并天下屬三川郡漢為



臺灣國家圖書館, NATIONAL CENTRAL LIBRARY, TAIWAN, R.O.C.

弘農郡之陝縣自漢至宋不改後魏孝文太和十一年置陝州以顯祖孝文皇帝諱弘改為恒農郡十八年罷陝州孝武永熙中重置西魏文帝大統三年又罷周明帝復置屯兵於此以備齊大業二年復罷以其地屬河南郡義寧元年改置弘農郡武德元年改為陝州廣德元年改為大都督府

謹按陝城蒲宇與彭城滑臺壽陽懸瓠屢經攻守皆中夏之要云
州境東西二百五十二里南北陽河二百四十六里八到西至上都五百一十里東至東都三百五十里

西南至魏州一百三十里
北至絳州一百里
西至潼關二百里
西北至河中府二百四十五里
貢賦開元瓜蒌柏子仁
賦瓜蒌柏子仁
馳緇綿絲布

陝縣 硤石 靈寶 夏縣 安邑 平陸 芮城

垣縣

陝縣望下本漢縣也歷代不改後魏改為陝中縣西魏去中字周明帝于陝城內置嶠郡以陝嶠二縣屬焉開皇罷

郡以縣屬陝州 陝原在西南 二十五里

魏山在縣西二里臨黃河自靈寶界流入後漢獻帝東歸

至陝議者欲令天子浮河東下太尉楊彪曰從此以東有三十六灘非萬乘所當從也乃止

曹陽墟俗名七里澗在縣西南七里獻帝東遷李傕郭汜追戰弘農東澗天子遂露次于曹陽之墟謂此地也

州里城即古號國城西征記曰陝縣周召分職處南倚山原北臨黃河懸水百餘仞臨之者皆為悼慄

故焦城在縣東北百步

太原倉在縣西南四里隋開皇二年置以其北臨焦水西俯大河地勢高平故謂之太原今倉實中週迴六里

太陽故閔在縣西北四里後周大象元年置即茅津也春

秋時秦伯伐晉自茅津濟封嶠尸而還

徽伯故壘在縣南二里高歡使李徽伯成陝周太祖攻之徽伯築壘于此拒太祖

北利人渠開皇六年文帝建鄧國公蘓威引索水西北入城百姓賴其利故以為名

南利人渠東南自硤石界流入與北渠同時疏導

太楊橋長七十六丈廣二丈架黃河為之在縣東北三里貞觀十一年太宗東巡遣武侯將軍卬行恭營造

硤石縣望西至本漢陝縣地屬弘農郡自漢至宋不改後魏孝文分陝縣東界置嶠縣明帝二年分陝嶠二縣置

嶠郡隋文罷郡以嶠縣屬陝州大業二年廢入陝縣義寧元年重置理陝石塢貞觀中改名硤石縣

底柱山俗名三門山在縣東北五十里黃河中禹貢曰導河積石至于龍門又東至于底柱河水分流色山見水中若柱然也又以禹理洪水山陵當水者破之以通河山穿既決河出其間有似于門故亦謂之三門漢成帝鴻嘉四年楊焉上言底柱之險可鑄廣之上乃令鑄之終沒水中不能復去而今湍流沸怒為害彌甚隋開皇三年遣春部侍郎韋瓚自蒲陝以東募人能於洛陽運米四十石經砥柱之險達于常平者免其征戍貞觀十二年太宗東巡

臨幸於此令魏徵勒銘

莘野在縣西十五里春秋時有神降於此

黃河西自陝縣界流入東經底柱水經注曰後魏景明中

帝遣諫議大夫寇慈帥工三千人歲時修理以平河阻

魏長城在縣北二十二里魏惠王十九年所築東南起嶠

山西北至河三十七里

靈寶縣望東北至本漢弘農縣自漢至後魏不改隋開

皇十六年於今縣置桃林縣屬陝州天寶元年於縣南古

函谷關尹真人宅掘得天寶靈符遂改縣為靈寶縣

稠桑宅在縣西十里魏公敗戎于桑曰即此也

函谷故城在縣南十里秦函谷關城漢弘農縣也西征記
曰函谷關城路在谷中深險如函故以為名其中旁通東
曰十五里絕岸壁立唯上柏林蔭谷中殆不見日關去長
安四百里日入則閉鷄鳴則開秦法也東自崤山西至平
津通名函谷號曰天險所謂秦得百二也魏囂將王元說
囂曰請以一丸泥東封函谷關即此也

桃林塞自縣以西至潼關皆是也春秋時晉侯使詹嘉處
瑕守桃林之塞三秦記曰桃林塞在長安東四百里若有
軍馬經過好行則收華山林息林下惡行則決河漫延人
馬不得過矣

涇津在縣西北三里義寧元年置關貞觀元年廢關置津
曹陽亭在縣東南十四里陳涉使周文西入秦使章邯
擊破之殺文於曹陽即此地也後曹公改為好陽

夏縣望西南至州一百二十里本漢安邑縣地屬河東郡後魏孝文太
和十一年別置安邑縣十八年改為夏縣目夏禹所都為
名大業二年屬河東郡武德元年又屬虞州今陝州安貞
邑縣是也
觀十七年隸絳州大定元年割屬陝州尋屬絳州乾元三
年屬陝州

涑川在縣北四十里左傳晉侯使呂相絕秦曰伐我涑川
按川東西三十里南北七里

安邑縣望南至府望本漢舊都漢以為縣屬河東郡開皇

十六年屬虞州貞觀十七年屬蒲州乾元三年割屬陝州

雷首山一名中條山在縣南二十里其山有銀谷在縣西

南三十五里隋及武德初並置銀冶監今廢

高堠縣在縣北三十里原南坂口即古鳴條陌也湯與桀

戰於此

鹽池在縣南五里即左傳卞瑕氏之地沃饒近鹽是也今

案地東西四十里南北七里西入解縣界

平陸縣望西南至本漢大陽縣地屬河東郡後屬漢於

此置河北郡領河北縣開皇十五年河北縣改屬蒲州貞

觀元年又屬陝州天寶元年改為平陸縣

黃河在縣南二百步

吳山即吳坂也伯樂過騏驎駕鹽車之地其坂自上及下

七山相重

傳巖在縣七里即傳說啟築之處

閑原在縣西六十五里即虞尚爭田讓為閒田之所

顛軫坂今謂之軫橋在縣東北四十五里左傳曰冀為不

道入自顛軫是也

瑟之窟在縣西北四十里

故虞城在縣東北五十里虞山之上晉侯使荀息假道於

虞於伐虢即此城也

下陽故縣在縣東北二十里

芮城縣望東至本漢河北縣地屬河東郡自漢至後魏

曰之周明帝二年改名芮城屬河北郡其年又於此置虞

州武帝建德一年於縣置芮州貞觀元年廢芮州以縣屬

陝州

黃河在縣南二十里

本魏城在縣西二十里古城伯國也

垣縣州二百西南至本漢縣屬河東郡後魏獻文帝皇興四

年置即郡及白水縣周明帝武成元年改白水為亳城縣

大業三年改亳城為垣縣屬絳郡武德元年屬郡州九年

屬絳州貞元三年割屬陝縣枕黃河

垣城在縣西二十里

臯落城在縣西北六十里左傳日晉侯使太子申生伐東

山臯落氏是也

魏州弘農開元戶一萬七千七百四十二 鄉三十六

禹貢雍及豫二州之境周初為魏國魏有三北魏今陝州

平陸縣東魏今榮陽縣西魏在今鳳翔扶風縣也魯僖三

年晉荀息假道以虞以伐魏亡仍為晉地其後三鄉分

晉屬韓秦兼天下屬三川郡至漢武帝元鼎四年置弘農

郡後魏以獻文帝諱弘改為恒農郡孝武帝永熙三年分為西恒農屬陝州周明帝復為弘農開皇三年廢郡以縣屬陝州大業二年又改屬豫州三年又于弘農縣置弘農郡義寧元年改為鳳林郡其年于盧氏縣置虢郡武德元年改為虢州其年改鳳林郡為鼎州因鼎湖以為名貞觀八年廢遂移虢州於合理所

州境東西北西
 八到西北至上都四百三十里
 東至東都四百三十三里
 東至陝州一百三十三里
 西南至商州三百七十里
 西北至潼關一百三十里
 自關至華州一百三十里
 西北至河中府一百八十里

貢賦開元 賦貢 天門冬 綿
 晉縣六 賦貢 純綿

弘農 盧氏 閿鄉 玉城 朱陽 湖城

弘農縣望 郭下 本漢舊縣大業二年省三年復於今湖城縣西南一里置專移就郡理其年移郡於鴻臚川縣亦隨徙即今縣是也義寧元年屬鳳林郡武德元年屬鼎州貞觀八年屬虢州

方伯堆在縣東南五里宋奮武將軍魯方平所築
 鴻臚水過縣北十五里入靈寶界溉田四百餘頃

盧氏縣上西北至州一百六十六里本漢舊縣春秋時西
虢之邑地有盧氏山或言靈敖得道於此山宜五穀可以
避水災開皇三年改為虢州大業三年廢以盧氏屬河南
郡武德元年又置虢州縣依舊

熊耳山在縣南五十里禹貢導洛於此

閩鄉縣望東南至本漢湖縣地屬京兆尹自漢至宋不改

周明帝二年置閩鄉郡按閩鄉本湖縣鄉名閩古文聞字
也說文從門受聲開皇三年廢閩鄉郡十六年移湖城縣
於今所改名閩鄉縣屬陝州貞觀八年改屬虢州

秦山一名秦嶺在縣南五十里南入商州西南入華州一

高二千丈週迴三百餘里

黃卷坂在縣西北二十五里即潼關路也水經注曰河水
自潼關東北流入側有長坂謂之黃卷坂東出通謂之函
谷關岍高道隘車不得方軌魏武征韓遂馬超遼兵此地
又潘岳西征賦曰朔黃卷以濟潼關亦謂此也

桃源在縣東北十里古之桃林周武王放牛之地也

黃河在縣北三里

合鳩水一名金節水漢戾太子亡匿之處

思子宮故城在縣東北二十五里漢武帝為戾太子所築
也

曹公故壘在縣西二十五里魏武征韓遂馬超此地置壘
又宋之入長安檀道濟王鎮惡濱帶河險大小七營皆此
處

赫連氏京觀俗號平吳臺在縣西二十二里赫連勃：使
太原公昌攻劉裕將齡石于潼關尅之築臺以表武功

玉城縣上西北至本漢盧氏縣北屬弘農郡後魏正始二

年分立石城縣廢帝改為玉城周武天和元年廢義寧元
年重置貞觀八年移於今理

朱陽縣上東北至本漢盧氏縣屬弘農郡後魏太和十四

年蠻人樊磨背梁歸魏立朱陽郡并朱陽縣今樊磨為太

守大統三年分為朱陽郡屬東義州周武保定二年又省

郡宣帝大象元年割盧氏西界以益朱陽縣開皇四年北
屬陝州大業三年改屬虢州

湖城縣望東南至本漢湖縣屬京兆尹即黃帝鑄鼎之

處後漢改屬弘農郡至宋加城字為湖城縣

荆山在縣南即黃帝鑄鼎之處

夸父山在縣東南三十五里

湖縣故城在縣西南二里

汝州臨汝開元戶二萬六千五十三 鄉六十七
元和戶一萬三千七十九 鄉三十七

禹貢豫州之域春秋時周王畿及鄭楚之地後屬於晉六

國時復為韓魏之地秦屬三川郡在漢為河南郡之梁縣地也開皇四年自陸渾縣界移于州理此於大業二年改為汝州三年改為震城郡隋亂陷賊武德四年討平王充復為伊州貞觀八年改為汝州

州境東西二百三里
南北二百五十二里
西至上都九百八十里
八到西北至東都一百七十里
西南至蔡州四百五十里
東南至許州二百三十里

貢賦

管縣七

- 梁縣 臨汝 魯山 葉縣 襄城 郟城 龍興

梁縣郭下漢舊縣古蠻子邑戰國時謂之南梁以別大梁少梁即左傳云楚為一昔之期而襲梁及霍也

蠻子聚即或蠻子國也在今郡西南俗謂之麻城又有陽人聚故城在今縣西秦滅東周徙其君於陽人聚即此地也漢末孫堅大破董卓軍於此高齊於此置汝北郡以備周冠故城在今縣南亦名王塢城隋煬帝改梁縣為承休縣屬汝州貞觀元年又改為梁縣

汝水經南三里

廣成澤在縣西四十里後漢安帝永初元年以廣成狩獵

地假與貧人元初二年鄧太后臨朝鄧騭兄弟輔政以為
文德可興武功宜廢請寢蒐狩之禮於時馬融以文武之
道並用作廣成贊以諷按此澤週迴一百里煬帝大業元
年置馬牧於此

周承休城在縣東北二十六里

黃坡在縣東二十五里南北七里東西十里隋朝修築有

溉灌之利隋末廢壞乾封初有詔增修百姓刺其利焉

臨汝縣上東南至六十里本漢梁縣地先天二年置貞觀七年刺

史陸長源奏請割梁縣西界二鄉以益之乃自下縣昇為

魯山縣上北至州一百五十里本漢魯陽縣古魯縣也屬南陽郡魯

陽公與韓戟酣揮戈日為退三舍謂此地也後魏太和十

一年孝文南巡置魯陽鎮十八年改鎮為荊州二十二年

罷荊州置魯陽郡改魯陽縣為北山縣周改為魯山縣武德

四年又於縣置魯州貞觀元年州廢以魯山屬伊州八年

改伊州為汝州

魯山在縣東北十里

魚齒山在縣東六十里春秋楚師伐鄭涉於魚齒之下山

有漁水故言涉也

汝水出縣西一百五十里